

*Патриарх Никон*

*и его противники в деле исправления церковных обрядов.*

*Каптерев Н.Ф., 1911 г*

---

**№2. Челобитная неизвестного к патриарху Иосифу с просьбой предпринять меры против разных укоренившихся церковных беспорядков**

"Несть наше, еже не касаемых вмещатися, ни, выспрь пребывающим, долними наставлятися; но благодати ради всесвятаго и животворящего Духа, ко общей спасения нашего ползе, святолепнаго ти величества отовсюду, пресвятейший Божий архиерею, собирая различны добродетели во свою душу, и теми красуиися; мене же, грубоумнаго твоего богомолца, да не постигнет гнева твоего, за дерзновение мое, ярости. Святыя соборныя апостольския церкви пастырь, и Христова коробля, носящаго всех христиан спасение, кормчию, святейшему Иосифу патриарху московскому и всеа России, да будет от Господа Бога милость его, за молитв пречистыя его Матере и великих святителей и чудотворцев, первопрестольник твоим, Петра и Алексея и Ионы, и всякаго благих подвига твоего прошение да исполнит. Ты же, великий государь и святейший патриарх Иосиф московский и всеа России, выну пред святым твоим лицом имея первопрестольники твоя, великия святители в таковей и по отшествии их от нас ко Христу славе, помышляя шествия своего поприща по стезям их исправляти, вся бо, государь, тех великих святителей и чудотворцев тебе Богом предана, первее: престол святительства и первенство во святителях, и тоя же святыя Божия церкви закона Божия правление, где же оных великих труды и всенощная пения бяху, тамо благоволи тебе Бог стати; идеже тех великих отец бяху нозе неподвижным стоянием претруждены о надежде нетруднаго во веки со Христом пребывания, тамо бяхе и святаго их в житии покоя дом, в немже твое о Бозе пребывание. Днесь реку же радость, яко не оставлено ни едино трудолюбнаго их жития место, но имут от Бога власть и ныне блюсти и назирати, и всегда невидимо с тобою пребывати во своих обителях, в нихже пребыша много лета, просяще от Бога мир церквам, и наследия своему престолу, на немже да утвердит твое владычество в мире и тишине на многа лета Христос Бог. Сего ради, государь, простри руку твою послушанием разумным, и приими разумнаго слова трость, и напитай ея святящимся смиренномудрием, да возможеши живописати на благочестивых сердцах, яко на хартиях, божественнаго семени слова, слово бо Его живодейственно и, трудом твоего сеяния, возможет плоды в сытость всем человеком принести. Первее, молим тя, святой Божий архиерею, призри на святую, порученную ти Христом церковь его и на вся твоего святительскаго рукоположению служителя тоя, како именем пастыри, а делом волцы, како наречением и образом учителя, а произволением тяжцы мучители, иже малаго ради своего покоя и предатели суть душам человеческим, не настоящей и маловременной, но грядущей и вечной муце. Мали бо, государь, обретаются последующе нелестно уставом

святых отец, мнози же нерадиви и леностни к славословию Божию: приходят изменяюща лица своя, паче же того владуща нами разума омраченным пьянством, и бесовом желенным дмением и гордостью, чрез обычей вскочут безобразно во церковь и, начала входа церковного не справльше, начинают утреню и вечерню. И тщатся преспяети кождо друг друга во псалмех и пениях, да теми обычаи, и многих, суете работающих, приходити с себе приобрящут, забывше о сем, или мнози и неразумяющая, яко всем пришедшим во святую Божию церковь нужда слышати особь всякаго псалма, молитвы пения и, коемуждо словеси последуя, просити оставления грехов. Сим образом сподобляемся, - церковного пения истинно послушающе, здесь безбедного жительства и онамо вечныя жизни. Аще ли, государь, многогласно и без тихости церковного святого славословия Божия служба будет, то токмо может рещи: сподобихся утрени, или часы, или вечерню слышати. Несть бо, государь, человека, иже возможет внимати от многих купно глаголемым, но точию един Бог всех словеса и мысли зрит и воздает каждому по прошению и делу. Еще же, государь великий святитель, зело страшно в домех Божиих зрится, еже хранилища и недра церковный исполнена Божественного писания книг имуще в себе о праздницех смотрения Божия, еже ради нашего спасения торжественная составлены святыми отцы словеса и о праздницех пречистые его Богоматери, и предтечи его великаго пророка Иоанна и прочих святых пророк, и святых славных и всехвальных его ученик и апостол преестественных (?) их до конца вселенныя деянии и подвиг; к сим же: повести о неисповедимых страданиях святых мученик, иже о имени нас ради пострадавшего Христа сладце и радостно претерпеша; и по сих: великих светил, и вселенныя учителей святительскаго лика жития и достохвальная их на высоте смиренномудрая учения; и преподобных и богоносных отец общаго жития и пустыннаго скитания вседневнаго их страдания прологи, и, просто рещи, всех святых, от века угодивших Богу мужей и жен на вселенней просиявших, жития исполнены ползы и страха нерадивым душам. И таково Божественное писание имуще, леностно прочитают и требующим таковыя жизнедательныя пища со оскудением подают, образом имущих неправеднаго собрания мамону, иже, от глада едва дышущим, подати не хотят от страшнаго имени Божественных писаний приставницы к нему. Таковыя беде посещение (?) по Спасову словеси, неплодныя смоковницы (?) иже рече; плода не имущее древо посечени и вметаемо бывает во огонь. - Еще же вспомяну тебе, государь, и о бездушных гласех: благовесты и звоны по обычаю церковному и по достоянию коегождо дне по чину содеваются, первому другое последуя - звон с благовестом несмесо; царскаго же, государь, пения обычай от многих небрегом и не порядку совершается, якоже предаша нам святии отцы: еже бы первых Божественныя сладости вкусивше и других совершению святыя службы всем всякаго глаголемаго и чтимаго и поемаго словеси насыщатися, но точию, государь, именем утренняго времени зовется утренняя, или вечерняго времени зовется вечерня, совершается, государь, ото многогласия в церквах Божиих пени образом неистоваго пьянства: к начальному пению другий поемлет, и третий, и до пяти, и до шести гласов купно бывает. И сице, государь, бываемое, кто наречет святого церковнаго устава обычай, но воистину, государь, тем сводим на себе гнев Божий, а не милость. Помысли, государь великий святитель, аще восхошет гостим быти у тебе царь, и седши с ним вечеряти, восхощеша ли вся уготованная брашна, безобразно смесивше,

купно представити, но коєждо по чину и ряду: сладкое и сланое, терпкое ж и мастичное, едино вкушаемо бывають, другое представляемо, и третие держимо, и другая паки уготовляема, друг другу последующе, благочинно на трапезу поставляються. Малаго же, государь, и незапного ради и пред царем неистовства, всем предстоящим ти, заповеди прещения исполнены полагаеши, да не како царь, вместо пировного веселия, исполнится ярости; колми же, государь, хоцет от нас достойно почитаем быти Царь царем и Господь господем, Бог наш, и какво чисту и со благочинием заповеда нам приносити хваления жертву во церквах своих пречистому и святому своему имени, яко научиша нас, свыше приемше, действием Святаго Духа, богносни отцы. - Еще же, государь великий святитель, священники церковнии, приходящим в церковь Божию без страха Божия, молчат, величества рода и славу мира ищущих, боятся и трепещут, неведуще, яко всяк страх человеческого прещения в мале часе приходит, ярость же гнева Божия на грешницех не имать конца. Ко инем же, безчинующим в церкви, ласкосердие ж к ним, благопокорения своя ради погибающия чести, безчестуема Бога и святую его церковь, не берегут. И дети своя духовныя во вселетное время не вопрошают, како пребывают и бремена заповеедей их со усердием ли носяще хранят, но вместо сих, противная видяще, молчат: пред ними же бо ходяща не имут постояния ногам, безчиношествуют, с похотением на жены зрят, скверная, глаголю тщетная творят, изумленным образом наскочут и друг друга угрызають, сурово сражаются и до крови бьются, опиваются и объедаются, укорижны родителям, друг другу приносят, и своя родителя - отца и мать безчествуют, и страшно рещи пред тобою великим святейшим отцом, да не осквернится святой твой слух, - всякаго чрез естество именем скверного блуда себе и друг друга и отшедших жизни сея отец и братию свою и церковного чина досяжут. Еще же, государь, зело умилено и страха исполнено слышание, яко во святых Божиих церквах и во алтарех священники и диаconi мнози от горе (?) таковая дерзають рещи, о них же что испросим от тебе, великаго Божия архиерея, на исправление, не вемы, уста бо, государь, священных мужей довлеет выну ни славу Божию и с молитвы о всем мире, а не на клятву на сквернословие, и мнози, носяще благочестие образ, совершают деюще злобу. Еще, же государь великий святитель, хощу воспомянуги пред тобою страшного вне мира иноческаго жития устав, еже приша любяще единство. Яко Илия на Кармиле, и яко Предтеча в пустыне и, болше сих, яко Иисус на горе, тако и ныне иноцы мира и яже в нем отрекшеся, и усердно Христов крест носити, и страсти вседневного озлобления обещавшися терпети, - но не вем, государь, откуда привниде обычей противесь таковому обещанию: любят сребро и злато и украшение келейное, имеют влагища исполнена лишних одежд, тщатся притяжати болшая стяжания, и тем желают мирския любве достигнут Призывают к себе на гостьбу великоименитых властей, и сами к ним в дома ходят, словесы блажат и дела являющиеся благими, летят, дарования приносят и болшая даяти обещаются, себе просят имети власть во обителех; игуменство, строительство, и келарство, и прочия начальства и, приемше власть ценою гиблющаго имения, к подвластным зверообразни являються, сурови и мстиви томители, и святых обителей грабители, своих далних и ближних взыскають, питають и обогащают, и всяким образом обильно дома их исполняют монастырскою казною, и сами в домех и гостят и обнощеваять, упиваящеся и объедающися бесом вожделенным пьянством с женами пирующе, и в монастырех

различными пьянствы, и пития имуще, уставом святого иноческаго жития изумленным пьянством ругаются, и одежды аггельскаго образа сквернят и братию возмущают таяжде деяти. И что, государь, такое может очистити согрешения наша, яко иноческае житие! Не точию бо, государь, отложению власть иночество, но всея своя воля, - о сем довольно написано в книге собрания правил святого Никона, в 37-й главе. И откуда, государь, обычай таков властем: не навыкше довольно время менших степеней, на болшая восходять, и како могут быть врачеве душам, неприемше искуса целбы, постригаются множи недуждею (?) привлачими, неимуще дневныя одежда и пища и, помале, власти являются, в мере о иночестве произволения добра не имуще, а во иночестве откуда таковыми абие устроение нрава постигнути? Преже бывшии святии наставники спасения нашего - ихже и по отшествии Бог показа нам хранителей святым обителем и странам христианским, и тии многоболезненными труды и подвиги учителя и псалтыри нарекошася. И о сем молим твою святую душу, великий государь святитель, подвижнися о церквах Божиих и о святых и честных монастырех, приими, государь, ревность учения первопрестольник твоих великих святителей: Петра и Алексея и Ионы, тии бо на всяко лето области своя по всем градом трудолюбно сами церкви Божии назирали, како во всей славе стоят, и монастыри, паче же живущих в них наставником и наставляемых како без смущения и страха пребывают. Исправи, государь, хромое, да не како до конца совратится, но да исцълъет. Не трудно бо, государь, тебъ шествовати, путь воздаянием спасенья мзды посыпана. Аминь"\*.

---

\* РГАДА, ф. 181, №482/962, л. 439-445.